

Samir, & Galaad extenditur. Pars altera, inter reliquas omnes Tribus, quæ Cis Iordanem sunt media, ea à Mari magno ad Iordanem usque excurrit inter Tribum Isachar, quæ à Septentrione, & Tribum Ephraim, quæ à meridie. Nec autem hanc partem, nec illam satis exactè descripsit Iosue. Illam cap. 13. vers. 29. 31. ubi dicit se dedisse Tribui Manasse, & filiis ejus à Manaim universam Basan, & cuncta regna Og regis Basan, omnesque vicos lair, qui sunt in Basan sexaginta oppida: & dimidiam partem Galaad, & Astaroth & Edrai urbes Regni Og in Basan. In quibus nulla mentio est sexaginta oppidorum in Basan, neque aliorum in dimidia parte Galaad.

Alteram Tribus Manasse partem, quæ Cis Iordanem etiam leviter percurrit Iosue 17. vers. 11. meminitque tantum Beth-san, leblaan, Dor, Endor, Thenac, Mageddo, & tertiam partem urbis Nopheth. Ubi præter eas urbes aliæ sunt multæ non ignobiliores ut Galgal, Iosue ipso teste, regia, & Therfa aliquando Regum Samariæ sedes, & Turris Stratonis in litore, quæ postea inter totius Iudææ maximas censita Cæsareæ maritimæ sive Cæsareæ Palæstinæ nomen obtinuit, sic & aliæ quamplures.

Tribus Nephtalim paulò accuratius à Iosue describitur 19. vers. 32...39. in quibus civitates computat decem & novem, quæ sunt Heleph, Elon in Saananim, Adami quæ est Neceb, (legunt alii junctim Adami-Neceb) lebnaël usque Lecum, Azanorthabor, Hucuca, Assedim-Sher, Emath, Reccath, Cenereth, Edema, Arama-Afor, Cedes, Edrai-Enhasor, Iecon, Magdalahorem, Beth-anath, & Beth-fames. Sic legendum putavimus, ut in animadversionibus dictum est, ad numerum civitatum novemdecim absolvendum.

Tribus Ruben trans Iordanem descripta est à Iosue 13. vers. 15...23. In ea mentio est universæ planities, quæ ab Aroër ducit Medaba, tum & Hesebon, Dibon, Bamoth-Baal, Baal-Maon, Iassa, Cedimoth, Mephaat, Cariathaim, Sabama, Sarath-Afar, Asedoth-Phasga, & Beth-lefimoth. Dedit & huic Tribui omnes urbes campestris, universaque regna Schon regis Amorrhæi, qui regnavit in Hesebon, quem percussit Moyses cum principibus Madian, & Hevæum, & Recem, & Sur, & Hur, & Rebe duces quinque principes Gentis, & regis Schon, & Balaam filium Beor. Inter urbes eas campestris, & universa regna Schon fuere proculdubio Bosor in solitudine Misor, Eleale, aliæque, sed & ii quinque Principes Gentis habuere, ut credere est, suas univunque sedes, sive Urbes, quæ hinc desiderantur.

Tribus Simeon tota excerpta est ex Tribu Iuda, peneque ex unica parte prima, sive regione Tribus Iudæ. In qua cum Iosue jam descripsisset viginti novem urbes: Ex iis resumptas quindecim transtulit in Tribum Simeonis, quam in duas divisit partes & in prima descriptæ sunt urbes tredecim Bersabée quæ & Sabée, Molada, Haferfual, Bala, Afem, El-tholad, Bethul, Harma, Siceleg, Beth-marcaboth, Hafer-fusa, Beth-lebaoth, & Sarohen. In

secunda quatuor Ain, Remmon, Athar, & Asan: quæ in universum sunt septemdecim, quarum ultimæ duæ ex quarta parte, sive regione, reliquæ quindecim omnes ex ultima parte primæ partis sive Regionis Tribus Iudæ excerptæ sunt.

Restat nunc Tribus Zabulon, in qua computat Iosue urbes duodecim. 19. vers. 10...16. quæ non nisi difficillimè ex ipso colligi possunt; Urbium & limitum nominibus ita confusis, ut vix inter se discerni queant. Urbes autem ex duodecim, si benè conjecimus, sunt Ieconam, Cheseleth-thabor, Iaphie, Geth-epher, Thacasin, Remmon-Amthar, Noa, Hanathon, Cathed-Naalol, Semeron, Iedala, & Bethlehem, aliis omnibus nominibus puta Sared, Merala, Debbafeth, & Dabbereth ad limitum loca demonstranda non ad Urbium numerum pertinentibus.

In tota ea Tribuum urbiumque in singulis Tribubus enumeratione, necdum aliqua ratio habita est Tribus Levi, quæ nullam habens ab aliis distinctam sortem, tota dispersa est in omnes alias Tribus, ut facilius Populum Dei legem docerent, & sacra administrarent. Inter urbes quadraginta octo, quæ Sacerdotibus, & Levitis in familiis quatuor divisim conceduntur, novem excerptæ sunt ex Tribu Iuda, & Tribu Simeon, & quatuor ex singulis aliis decem Tribubus, puta quatuor ex Tribu Aser, quatuor ex Tr. Benjamin, quatuor ex Tr. Dan, quatuor ex Tr. Ephraim, quatuor ex Tr. Gad, quatuor ex Tr. Isachar, quatuor ex duobus Manasse partibus in unum sumptis, quatuor ex Tr. Ruben, & quatuor ex Tr. Zabulon, tres autem tantum è Tribu Nephtalim. Ita ut in universum sint quadraginta octo.

Eas omnes urbes ex ipso Iosue, & ex libro Paralipomenon collegimus, & accurate inter se contulimus in nostris animadversionibus; in quibus demonstravimus eas quadraginta octo Leviticæ urbes ad majorem numerum nusquam excrevisse, quod scilicet (ut putaverunt aliqui) Levitarum numerus excrevisset, eadem etenim ratione amplificandæ etiam fuissent singularum Tribuum sortes, quod & unaquæque non minus quam Tribus Levi amplificata fuerit.

Inter eas Leviticæ urbes, Urbes Refugii sex factæ sunt, Cedes in monte Nephtali, Sichem in monte Ephraim, Cariath-arbe, ipsa est Hebron in monte Iuda. Bosor in campestri solitudine Tribus Ruben, Ramoth Galaad in Tribu Gad, Gaulon Basanitis in dimidia Manasse. Urbes Refugii eas vocant, ad quas quicumque animam percussisset nescius, recipere se posset, & effugere iram illius, qui mortem proximi ulcisci expetisset.

Post Iosue Iudas Israëlitarum Dux à Deo factus, fratre suo Simone accito, alias etiam plures delevit Chananæorum urbes & Reges: & inter eos Adoni-bezec devicit, qui septuaginta Reges amputatis manuum ac pedum summitatibus sub mensa sua ciborum reliquias colligentes quotidie videbat & irridebat. Pauci ergo ex Chananæis inter Israëlitas immixti manserunt, quos tamen omnes omnino de-